

經律異相卷第二十四

果沙門寶唱等譯

轉輪聖王諸國王部第一

劫初人王始原一

大王致輪之初二

金輪王王化方法三

燈光金輪王捨臂四

蓋事金輪王有大利益五

轉輪王爲半偈剜身燃千燈六

摩調金輪王捨國學道七

無諍念金輪王請佛僧八

堅固念金輪王失輪出家九

文陀竭金輪王遊四天下十

頂生金輪王愛別離苦十一

阿育四分王始終造塔十二

劫初人王始原一

劫欲成時水災既起壞第二禪風災吹結世界得成光音諸天福命既盡化生爲人歡喜

爲食身光自照神足飛行無有男女尊卑隔
異故曰衆生有自然地味猶如醍醐色如生
酥味甜於蜜以手取嘗遂生味著食之多者
顏色麤悴食之少者膚兒光澤便有勝負自
相是非地味消滅又生地皮狀如薄餅色味
香美復共食之轉相輕易地皮又滅更生地

膚增一
歲並云地肥
舍婆因食多少生諸惡法地生梗

米衆共食之生男女形乃至立王

釋已見出
界成壞部

天下富樂地生青草如孔雀尾漸次分張有
八方國人民聚落雞鳴相聞天下無病大熱
大寒以法治國奉行十善哀念一切猶如父

母人壽長久後王福德漸薄年壽轉減至一

万歲今至一百王崩子嗣名曰珍寶

出長阿
舍經第

大王致輪之初二

轉輪聖王所以致金輪者帝釋常勑四天王

六月六日察行天下伺人善惡四天王及太子使者見有大國王以十善四等治天下憂

勤人物心踰慈父以是事白天帝釋帝釋聞之慶其能尔便勅毗首羯摩賜其金輪即出持付毗沙門天王毗沙門天王持付飛行夜又飛行夜又持來與大國王毗沙門天王勅此夜又汝常爲王持此金輪當王頂上畢其壽命不得中捨是夜又常爲持之進止來去

舍四二

隨聖王意盡其壽命然後還付毗沙門天王毗沙門天王還付毗首羯摩毗首羯摩還內著寶藏中出雜譬喻經第六卷道種堅德乘金輪王四天下性種性王乘銀輪王三天下習種性王乘銅輪王二天下以上十善得王乘鐵輪王一天下出仁王般若經

東方小國以金鉢盛銀粟銀鉢盛金粟來詣王所拜首白言善哉天王今此東方土地豐樂多諸珍寶人民熾盛唯願大王留此治化大王答曰汝等但以正法治民勿使偏枉無令國內有非法行自不殺生教人不殺偷盜邪姪兩舌惡口妄言綺語貪取嫉妬邪見之

舍四三

金輪王王化方法三
轉輪聖王成就七寶有四神德一金輪寶二白象寶三紺馬寶四神珠寶五玉女寶六居士寶七主兵寶若轉輪王出閻浮提時諸刹利水澆王頂以月滿時香湯沐浴昇高殿上會衆妓樂天金輪寶忽現在前輪有千輻光

人此即名曰我之所治時諸小王即從大王巡行諸國至東南西北隨輪所至其諸國王皆獻國土平曠之處輪則周行封畫量度東西十二由旬南北七由旬天神造城郭其城七重七重欄楯七重羅網七重行樹周匝交飾七寶所成乃至無數衆鳥相和而鳴復於

城內造諸宮殿宮牆七重七寶所成時金輪寶在宮殿上虛空中住王清旦於正殿上坐自然象寶忽現在前其毛純白七處平住力能飛行其首雜色六牙纖膚真金間填王見念言此象賢良若善調者可中御乘即試調習諸能悉備時轉輪王欲自試象即乘其上清旦出城周行四海食時已還時王清旦在正殿坐自然馬寶忽現在前其緝青色未毛尾頭仰如鳥力能飛行王見念言此馬寶良若善調者可中御乘即試調習諸能悉備王欲試馬即自乘之清旦出城周行四海食時已還時王清旦在正殿上自然神珠忽現在

前質色清徹無有瑕穢王見念言此珠妙好若有光明可照宮內王欲試珠即召四兵以此寶珠置高燈上於夜冥中竇幢出城其珠光明照一由旬見城中人皆起作務謂爲是畫玉女寶者忽然自現顏色從容面貌端正不長不短不麁不細不白不黑不剛不柔冬嚴者解未去者去已住者住時主兵寶具如則身溫夏則身涼舉身毛孔出栴檀氣口出優鉢羅華香言語柔軟舉動安詳先起後坐不失儀則時王無著心不暫念況復親近居七寶者忽然自出寶藏之內財富無量居士宿福眼能徹視地中伏藏有主無主皆悉見知其有主者能爲擁護其無主者取給王用時居士寶往白王言大王有所給與不足爲憂我自能辦時王欲試此居士寶即勅嚴船於水遊戲告居士曰我須金寶汝速與我居士報曰大王小待須我至岸王乃逼言我今須用居士寶以右手內著水中水中寶瓶隨手而出如虫綠樹時王見之語居士言止止舍四

王言王見踊躍曰我今真爲轉輪聖王一者長壽不夭無能及者二者身強無患無能及者三者顏貌端正無能及者四者寶藏盈出無能及者是爲聖王具四功德大海彼岸後有鉢頭摩池俱物頭池分陀利池過是地空其空地中有大海水名鬱禪那此水下有轉輪聖王道廣十二由旬俠道兩邊有七重牆七重欄楯七重羅網七重行樹以七寶成間浮提地轉輪聖王出于世時水自然去其道平現時轉輪聖王又乃命駕出遊後園尋告御者汝當善御而行所以然者吾欲諦觀國土人民安樂無患時國人民路次觀者復語侍人汝且徐行吾欲諦觀聖王威顏時王慈育民物如父愛子國民慕王如子仰父所有珍奇盡以貢王願垂納受時王報曰且止諸人吾自有寶汝可自用王治此間浮提時其地平正無有荆棘坑坎堆阜亦無盡蟲蜂蟠蛇虺惡虫石沙瓦礫自然沉沒金銀寶玉現

於地上四時和調不寒不熱其地柔軟無有塵穢如油塗地潔淨光澤地出流泉清淨無竭樹木繁茂華果熾盛地生軟草冬夏常青色如孔雀自然粳米無有糠粃衆味具足時有香樹華果茂盛其果熟時自然裂出香氣粉熏復有衣樹華果茂盛其果熟時皮殼自裂出種種衣復有莊嚴樹其果熟時出種種莊嚴具復有鬘樹其果熟時出種種鬘復有器樹其果熟時出種種器復有果樹華果茂盛其果熟時皮殼自裂出種種果復有樂器樹其果熟時出衆樂器轉輪聖王治於世時阿耨達龍王於中夜後起大密雲弥滿世界而降大雨如掣牛乳而八味水潤澤周普地無停水亦無泥淖潤澤沾洽於中夜後空中清明淨無雲曠海出涼風清淨調柔觸身生樂聖王以正治國無有阿枉修十善行時諸人民亦修正見具十善業其王久時如樂人食身小不適而便命終生梵天上時金論白

象紺馬明珠皆悉滅沒時王女寶居士寶主
兵寶及國土民作倡伎樂以香湯洗沐王身
以劫貝纏五百張毘次如經之捧舉王身置
金棺裏以香油灌之置鐵擲裏復以木櫈重
衣其外積衆香薪重衣其上而閻維之於四
衢道頭起七寶塔縱廣一由旬雜色參間以
七寶成王女寶居士寶典兵寶舉國土民皆
來供養此塔施諸窮乏須食與食須衣與衣
象馬寶乘給衆所須隨意所與出樓炭經第一
卷又出長阿含

燈光金輪王捨臂四

過去無量無邊阿僧祇劫時此界名日月雷
亦有五濁世我於是時作轉輪王王閻浮提
號燈光明教化阿僧祇人住善法中見有一
人身被縛束我即問言此何所犯大臣白言
田作穀麥六分一分入官是人不從王法是
故縛之我勅令放臣答言今王諸子後官眷
屬諸所資用皆從他邊強取無有一人清淨
心與王大憂愁分此地為五百分等與諸子

舍四

六

即便出家至南海邊鬱頭摩木林之中食諸
果子漸漸修學得五神通時間浮提有五百
商人入海採寶有一商主名曰滿月得如所
願即欲發還龍心懷瞋欲害商人復有一龍
王名曰馬堅是大菩薩以本願故生於龍中
起慈悲心救諸商人令得安隱過於大海至
彼岸邊龍王然後還本住處余時有大惡羅
刹隨逐商人如影隨形欲爲危害是惡羅刹
即於其日放大惡風時諸商人迷悶失道生
大怖畏失聲號哭喚呼諸天摩醯首羅水神
地神火神風神復稱父母妻子眷屬願救濟
我善男子我於余時以淨天耳聞其音聲尋
往其所以柔軟音而慰撫之莫生怖長當示
汝道令汝安隱還閻浮提善男子我於余時
白疊纏臂以油灌之然以爲炷發真實言我
先以於鬱頭摩木林三十年中專精修行四無
量心爲諸衆生食致果子勸化八万四千諸
龍夜叉神等不退轉於阿耨多羅三藐三菩提

提以是善根今然此臂爲示道故令諸商人安隱得還間浮提中然臂乃至七日七夜此諸商人尋便安隱還間浮提善男子我於余時復作善願若間浮提無諸珍寶若我必成阿耨多羅三藐三菩提得已利者當作商主於一一天下七反兩寶復入大海取如意珠

七
含

於一一天下復兩種種雜廁寶物如是次第徧此世界乃至十方無量無邊阿僧祇諸世界中亦復如是善男子我於往昔諸所發願皆悉成就如恒沙等大劫之中常作無上薩薄之主於恒河沙五濁惡世兩種種寶一日之中七反兩之令得滿足然後勸化令住三

乘
出過去香蓮華佛世經

蓋事轉輪王有大利益五

過去閻浮提有四河水二大國王一名曰婆羅門提婆梁言天獨據三河人民繁盛然復停弱一王名曰罰闍建提梁言金唯得一河人民亦少然其國人悉皆勇健時金剛聚處于

正殿王念兵衆勇悍而所獲水少彼國俾弱獨霸三河今當遣使索取一河若與我者共爲親厚國有好物更相貢贈若有艱難共相赴救若其不得便當力奪即遣使至梵天國具宣王意楚王云我國豐實人衆亦多又此國界父王所有轉用投我至於力諍我不下彼答言此國乃是我父所授我力不相減若欲力決我不相畏使還具聞王即合軍攻梵天國共戰一交梵天軍壞乘背追躡徑至城邊衆人怖縮更不敢出諸臣共集詣梵王所白大王言他國兵強我國俾弱惜一河水今致此敗如是不义懼恐失國唯願開意以一河與之共爲親厚足得安全王遣使與一河水又以女許爲夫人國有奇物更相貢贈急難危嶮共相赴救時金剛聚即迎其女拜爲夫人各共和解迴軍還國經於數時其王夫人便覺有胎懷妊之後恒有自然七寶大蓋當在身上坐卧行立終不遠離至滿十月生

一男兒身紫金色頭髮紺青光相暎著世之少雙兒以出胎蓋在其上召諸相師令相比兒相師白王太子德相世之希有王及羣臣喜不自勝即爲其立字字刹羅伽利樂言蓋事年至成人父母便命終小王臣民共立蓋事治正數年出外遊觀見諸人民耕種勞苦問左

八
倉

右曰此人何作答言國以民爲本民以穀爲命若其不余民命不存民命不存國則滅矣王便言曰若我福相應爲王者令我民衆獲自然穀發言已竟人民倉築滿種種穀隨意悉有後復出遊見人汲水舂磨作役又問臣言諸人何以余耶臣白王言蒙王恩澤獲自

此語國中諸樹皆出妙衣極爲細軟青黃赤白衣隨人所好後復出遊見諸人民競作樂器王復問臣何以故臣言治妓樂器王言若我有福應爲王者令我國中樹生樂器稱意悉有又經少時諸王臣民悉來拜賀值王食時留與飲食余時諸臣得王飲食百味具足咸共白王臣等家食飲其味薄少今得王食美味非凡王告之曰卿等臣民若欲常得如我食者用吾食時食者皆得如是之食即勑伺官吾食時到恒鳴大鼓令諸人民悉得知用我時食當得百味上妙之供從是已後食便鳴鼓一切人民承音念食百味上饌

九
倉

自然在前人民優樂時王梵天遣使來至蓋事王國語蓋事言汝父在時我以河水用與汝父汝父已終宜當還我時蓋事王報彼使曰我今境土及與河水亦非我力強從汝得然我爲王不勞民物且停須我後與汝王相見使還白王王然其意尅日共期二王俱進

軍衆圍遠各安大營在河一邊二王乘船河

中相見時王梵天初見蓋事身色晃曜如紫

金山頭髮奔奔如紺琉璃其目廣長人中難
有敬心內發謂是梵天到相問訊對坐一處
談兩國土論索水事蓋事報曰我國人民所
欲自然亦無貲輸王役之勞所言未訖食時

已至蓋事王軍鳴鼓欲食梵天謂欲殺之怖
起謝罪羊皮四布腹拍前地蓋事自起曉令
還坐復語之曰大王何以恐怖如是我軍食
時恒自鳴鼓所以余者用我時食皆獲百味
上饌之供梵天復起白蓋事曰唯願大王普
見臨覆我及國人悉願降附令諸民庶悉蒙

恩澤於是蓋事典闈浮提一切人民盡獲安
樂登位之後處於正殿羣僚百官宿衛侍立
日初出時有金輪寶從東方來如是七寶相
續而至典四天下一切衆生蒙王恩德所欲
自恣王悉教令修行十善壽終之後皆得生
天佛告阿難刹羅伽梨王者我身是王罰闈

建提今父王是母者今摩耶是出賢愚經第八卷

轉輪王爲半偈剜身燃千燈六

時轉輪聖王爲求佛法遍問闇浮提誰解佛
法大轉輪王欲得翫習時皆云無邊一小國
有婆羅門解知佛法即請入宮爲我解說婆
羅門言王大愚也吾學佛法久受勤苦因乃
得成今者云何直欲得聞王白師言欲須何
物婆羅門言與我供養王言所須供養爲是
何物婆羅門言若能就王身上剜作千瘡灌
滿膏油安施燈炷以供養者吾當爲汝解說
佛法王未答頃尋下高座余時大王即前抱
持報言小復留懷須自思惟當奉供養余時

舍

十

大王即入宮中報諸夫人今共汝別我欲剜
身以作千燈供養大師夫人言天下所重莫
若已身云何毀害王曰欲求佛法爲一切衆
生於大闍室然智慧燈照汝生死無明黑闇
斷衆累結得至涅槃汝等諸人今者云何違
逆我心時諸夫人默然不對心悲嘵嘵王與

內外一切辭別還至殿上往大師所脫身瓔珞端身正坐告衆人言誰能爲吾剝身于瘞皆共答言寧自剝兩目終不能以手仰剝王身有旃陀羅其性弊惡尋聲往趣語諸太子且莫憂苦我有方便能令大王事不得成還領國土如本不異諸太子聞喜時旃陀羅言欲剝身者我能爲之王言汝今是我無上道伴時旃陀羅持牛舌刀就王身上瞬速剝作數滿千瘞謂王意退投刀馳走灌滿膏油細點爲炷時婆羅門告王言精進如是難爲能爲修此苦行爲聞佛法即說半偈

夫生趣死此滅爲樂

王言於我有慈愍者應憶持是法於諸國土有人民處宣通王命諸人當知大轉輪王見諸衆生沒於苦海未能出要起大悲心剝身千燈求此半偈諸人今當書寫此偈讀誦既習思惟其義如說修行諸人異口同音讚大王言善哉大王真慈悲父爲諸衆生修此苦

舍四

十一

行我等應當速往書寫或紙或帛或於石上或於樹木瓦礫草葉蹊徑要路多人行處亦皆書寫其見聞者皆發道心王燃千燈供養大師其明遠照十方世界其燈光中亦出音聲說此半偈其聞法者皆發道心其光上照至忉利宮隱蔽天光時忉利天王即作是念以何因緣有此光明即以天眼觀於世間見轉輪王以大慈悲薰修其心爲衆生故剝身千燈供養大師爲度衆生我等當往勸戒住助即下世間化作凡人往詣王所問大王言剝身千燈修此苦行爲求半偈何所作爲報言善男子我爲衆生令發道心尔時化人即復釋身報言作是供養願求天王魔王梵王耶王言我不求此正求菩提爲衆生故不安者安不解者解未度者度未得道者欲令得道天王釋言大王今者不乃愚也求菩提者父受勤苦乃可得成汝云何欲求無上道報天王釋言假使熱鐵輪在我頂上旋終不以

此苦退無上道心汝雖發是言吾終不信也時轉輪王於天王釋前立此誓言若不真實求三菩提欺天王釋者使我千瘡終無愈時若不爾者血當爲乳千瘡平復說是語時瘡即如本天王釋言善哉大王真是大悲如是苦行不久當得無上菩提得菩提時要先度我時天帝釋放大光明徧照王身與百千諸天發菩提心五百太子見其父王身瘡平復歡喜無量發菩提心二萬夫人百千采女亦復如是

出大方便佛報經第三卷

摩調金輪王捨國學道七

昔者有王名曰摩調時号遮迦越王主四天

下以正法治不枉人民常行慈心視民如赤子人壽八萬歲王有七寶又有千子鞭杖不行民無訟莫不變化王欲行四方隨意即至數千万人隨後而飛不持刀兵人民鬼神皆自歡喜語持櫛者頭鬚生白可以告我侍人言生白王召太子告言我頭生白衰老將

舍山

十三

至今立汝爲王王四天下皆屬於汝汝後亦應狀於世樂當行求道王即棄國除髮學道時諸臣民皆大啼哭摩調子孫相傳持國千八十四王髮白學道摩調王千八十四世後復出爲人還續王位名喃復持正法即勑中宮及諸貴人使持八戒月修六齋臣民男女皆亦奉持沙門道人無有衣食皆悉給施乃至醫藥天帝語言寧欲得見忉利天上諸天王不喃王即言欲得見之天帝釋言我遣一車駕千疋馬來迎王車名余叻育多喃王名聲遠流聞忉利天爲諸天王之所敬重欲得相見見車驚言非世所有我王施善天車迎王喃王載車車馬俱飛即告御車汝過二道我欲得見惡人之道復欲得見善人之道摩曰婁即將過視泥犁地獄人所作惡考掠之處復上忉利觀天上樂王到釋宮天帝復言天上諸王大欲得見喃王常道說功德即前牽臂與共並坐喃王變身如天上體不復如

世間兒也作偈天樂散華燒香帝釋語。嘯王言莫愁憂也此間諸伎可共相戲足可忘憂。嘯王不持天上妓樂爲樂。嘯王即語釋言如人借物會應當還以本願故不以天伎爲樂。時嘯王者今我身也。出摩異經

無諍念金輪王請佛僧八

舍風

十三

菩薩過去劫時此佛世界名那提嵐劫名曰善持。有轉輪王名無諍念主四天下有一大臣名曰寶海是梵志種善知占相時生一子有三十二相八十種好百福成相當光一尋百千諸天來共供養因爲作字號曰寶藏。其後長大剃除鬚髮法服出家成三菩提還号寶藏十号具足即轉法輪令諸衆生皆得生天咸蒙解脫利益天人聲聞大衆恭敬圍遶安周羅城即是聖王所治之處去城不遠有一園林名曰闍浮時佛與聲聞大衆止頓此林時王聞之與無量大衆往至佛所到佛所已頭面禮足右遶三匝却坐一面佛即爲王

說於正法以種種方便示教利喜五白佛言唯願如來及諸聖衆於三月中受我佛養衣服飲食时具湯藥時佛默然頭面作禮遶佛三匝還告小王及臣民眷屬辦諸供具時主寶臣於閣浮林中以純金爲地於其地上作七寶樓其樓四門七寶所成七寶行樹其樹皆懸寶衣瓔珞種種珠蓋及諸寶器復散諸香寶華繞繻繡以爲敷具懸諸繡幡及王金輪於樓觀前去地七天女寶執蓋以摩尼珠並置佛前珠輪二光常照林中晝夜無異以牛頭栴檀爲床榻机橙白象寶樹種種莊嚴在佛僧前住後玉女寶持七摩尼寶蓋在於佛前以牛頭栴檀及黑沉水散以供養作衆妓樂於園外邊有四兵寶周匝圍遶王到佛所作禮右遶三匝自行澡水手自斟酌上妙餚饍供佛及僧食訖捨鉢行水漱口王執寶扇以扇如來及一一聲聞時王千子及八万四千諸小王等悉皆供養一一聲聞如轉

輪王尋於食後有無量衆大林聽法諸天散華作天妓樂以供養佛虛空中有天衣瓔珞種種寶蓋而自迴轉四万青衣夜叉取牛頭栴檀爲衆作食時轉輪王夜於衆前然百千無量億那由他燈王頂戴一燈肩荷二燈左右手中執持四燈其二膝上各置一燈兩足

舍西

古

趺上亦各一燈晝夜供養佛神力故身無疲極如入三禪轉輪聖王所受快樂亦復如是終竟三月以主藏寶臣貢上如來閣浮檀命作龍頭瓔珞八万四千上金輪寶白象紺馬摩尼珠寶妙好火珠主藏臣寶主兵臣寶諸小王等安周羅城諸小城邑七寶衣寶華寶

當受汝之所施時間浮提無有一人不從梵志受三歸依發菩提心便受所施之物時諸王子皆各發心或願忉利天王或求梵王或求魔王或求轉輪聖王或願大富或求聲聞各各向佛及僧悔過轉輪王因過去布施故復求今住出悲華經第二卷又出寂意菩薩問五濁經

舍

古

堅固金輪王失輪出家九

過去世時王名堅固有四種兵爲轉輪王攝頭齒交絡及諸寶網閣浮金鎖真珠寶貫上妙履屣綻綻茵褥妙微機橙七寶器物鐘鼓妓樂寶鈴珂貝園林幢幡瓶罐燈燭七寶鳥獸雜廁妙扇種種諸藥如是等物各八万四千以施佛僧作是施已白佛言世尊我國多

信樂出家我今以大海地與汝汝當以法教
令莫作非法若復與汝天輪移處堅固王學
道七日天輪晝忽然不見頂來王白父王言
不可爲王當云何父王言當作輪之福行可
有是處十五日說戒時沐頭昇在堂上東方
有天輪來非工巧所作光燄極妙齋日沐頭
昇在堂上東堅固王曰子當如法觀行於男
女婦子及諸臣民非是一人沙門婆羅門下
至鳥鹿當持齋月八日十四日十五日施與
沙門婆羅門貧窮孤老乞者當以飲食衣被
華曼衆香床卧屋舍給與使爲明證若界內
所識沙門婆羅門當至其所隨時問論云何

人間四妙云何曰妙加上七寶如上四妙彼
輪於後時天輪亦移處至輪不現頂來王亦
初不憂感樂著姪欲不知敗壞強御天下人
民日減不增先王如法但增不減知明星婆
羅門白言天王當知以欲御民但減不增猶
若過去諸轉輪王與輪法相應人但增不減
王曰我當云何答曰天王界內有明筭法有
諸臣中明呪術知於輪法王當與輪法行相
應若與相應者可有是處輪便可得十五日
說戒時沐浴昇高堂上東方當得天輪王曰
云何爲輪行令我行與相應當如法見行於
法於妻子至施物是爲天王天輪行若應此
舍四

行可有是處便可得輪頂來王於後時行法
於妻子至貧窮人積財不施既窮無物便行
偷盜詣王罰之王作是言汝衆生真諦不與
取耶答言實尔我若不盜無以存命王便與
物語被人曰汝去後莫復尔復有窮者聞盜
見王即賜其物我等寧可作不與取便復行

盜盜轉增廣人壽漸減始八万四千歲終至
百年時有過者王言若復於我界盜者當悉
著樹下以刀梟首佛告諸比丘當來人壽十
歲出中阿含經第十四卷

文陀竭金輪王遊四天下十
昔者有王名文陀竭從母頂出後作遮迦越
王東西南北皆屬之七寶具足王有千子王
四天下經數千歲意中自念我有四天下人
民熾盛穀米平賤千子端正高才健猛令天
雨金銀十日七夜快耶天即爲王兩錢金銀
七日七夜王心歡喜聞諸方土人民熾盛王
舉七寶四種兵衆俱共飛行次到諸國悉皆
降伏正法治世如是各數千歲王復生意我
有閻浮提國二十八万里我有俱耶尼國三
十二万里我有弗干遠國三十六万里王唯
聞北方有鬱單越天下大樂人民熾盛王意
欲往彼無貧窮豪贏強弱無有奴婢尊卑皆
同一等令我人衆屬共食之自然粳米自然

舍四

七

衣被服飾諸珍寶便俱飛行入鬱單越地青
如翠適復前行見白如雪自然稻米汝曹當
食適復前行見諸寶樹百種衣樹金銀瓔珞
皆懸著樹王問邊臣汝曹見是等不邊臣言
唯然已見入國人民皆悉降伏王治鬱單越
地四十万里經數千歲復念我有四天下王
意欲上須弥寶山至忉利天王釋所止處便
舉七寶百官俱飛到須弥山入天王釋宮王
釋遙見迎之言數聞王功德欲相見日久仁
者來大善便牽與共坐以已半座與文陀竭
王適坐左右顧視天上有玉女心便念言我
有四天下所有雨寶使天王釋死我欲代其
處治天上如治天下便覺去離即還天下便
得疾病困劣著床臣問王曰得無有意欲得天
王釋處不答適生意便下在地即嬰困病
心自悔言人無厭足知足者少文陀竭王我
身是也出大陀經第十四卷

頂生金輪王愛別離苦十一

過去之世人壽無量王名善住其王余時爲太子治事及登王位各八万四千歲時王頂上生一肉炮其炮柔軟如兜羅錦紺軟劫貝漸漸增長不以爲患足滿十月炮即開剖生一童子其形端正人中第一父王歡喜字曰頂生時善住王即以國事而委付之棄捨妻

予入山學道滿八万四千歲時頂生王於十五日在高樓上沐浴受齋即於東方有金輪寶至其輪千輻轂輞具足不由工匠自然成就而來應之王作是念我昔曾聞五通仙說若刹利王於十五日處高樓上沐浴受齋若有金輪而來應者當知得作轉輪聖帝即試左手擎之右執香爐右膝著地而發誓言是金輪寶若實不虛應如過去轉輪聖王即飛昇虛空周徧十方還王左手王心知作轉輪聖王其後不久復有象寶如白蓮華七支柱地王念亦如仙說十五日處在高樓沐浴受齋王試擎香爐右膝著地而發誓言是白象

舍

十八

寶若寶不虛應如過去轉輪聖王所行象即從且至夕周徧八方盡大海際還住本處王大歡喜復作是言我今定是轉輪聖王其後不久次有馬寶王又如前復有女寶形容端正微妙第一以手觸王衣時即知王身苦樂亦知王心所緣自然而有摩尼珠寶如純青琉璃大如車輪照一由旬若天降雨滴如車軸是珠勢力能作大蓋覆一由旬遮此大雨不令下過王念如前次有主藏臣自然而出多饒財寶無所闕少眼見伏藏隨王所念皆能辦之即共乘船入於大海告藏臣言我今欲得珍異之寶藏臣聞已即以兩手撓大海水時十指頭出十寶藏以奉聖王而曰王言大王所須隨意用之其餘在者當投大海王大歡喜次有主兵臣自然而勇健猛略策謀第一善知四兵能令摧伏已摧伏者力能守護王告諸臣汝等當知此間浮提安隱豐樂我今七寶成就千子具足更何所爲諸臣

答言唯然大王東弗婆提西拘耶尼北鬱單越猶未歸德王今應往時王即與七寶一切營從飛空而往四方人民歡喜歸德復告大臣我四天下安隱豐樂人民熾盛咸已歸化

更何所爲諸臣答言唯然聖王三十三天壽長安樂自恃天福未來歸化今應往討令其會

十九

摧伏王復飛空上忉利天見有一樹其色青

綠即問大臣此是何色大臣答曰此是波利質多羅樹忉利諸天夏三月日常於其下娛樂受樂又見白色猶如白雲復問大臣此是何色大臣答言是善法堂忉利諸天常集其中論人天事於是天主釋提桓因知王在外

即出迎逆見已執手昇善法堂分座而坐彼時二王形容相貌等無差別唯有視瞬爲別異耳賢愚經云先一身以豆散弗沙佛上四粒入鉢王四天下一粒在頂受樂二天也王言我今可住此中爲天王不時天帝釋受持讀誦大乘經典爲他宣說唯於深義未盡通達王於帝釋乃生惡心即便墮落還聞浮

提與所愛念人天離別生大苦惱後遇疾病即便命終帝釋迦葉佛是轉輪聖王則我身是出大涅槃經第十一卷

阿育四分王始終造塔十二

波吒利弗多國雜阿含云巴連弗邑王姓孔雀名頻頭婆羅父名曰護有子名呵輸柯梁言無憂又名阿育王前生名

城姓孔雀名阿育爲四千塔供養舍利出阿育王經第一卷

身

於闍耶爲童子時值釋迦入王舍城心念佛故發願言我入涅槃百年之後當生波吒利弗多羅城中以伸供養佛即爲一千塔供養舍利出阿育王經第一卷身

體龐潤父不愛念乃於後時使善相師相諸兒子誰堪爲王不召阿育母密報之汝宜就次阿育啓母父王不喜母言但去大臣成護問今何行答以實事成護駕最勝象給其乘御設諸子食皆悉寶器不及阿育母私辦饌器食皆勝相師曰阿育最勝是堪爲王大王曰我所不重必當見殺可更搜筭相師又曰今好乘好食好器者此堪爲王復無勝者後境內小國名德叉尸羅欲爲反逆王勑阿育

汝集四兵掩集彼國器仗資物悉不給汝阿育奉命即自思惟若有所功德應爲王者願自能涌出地即震裂器食無數德又尸羅國聞阿育來莊嚴道路望風奉迎一切人民競興供養初不嫌二遣使往佛建國求二健兒力能摧山偃岳時諸天發言語二人云此四分

舍四

三

轉輪王領閻浮提不可逆也一切雄賢莫不奉觀諸天以天寶冠置其頭上大王聞之即遣大兒修私摩大興兵力竟不能伐大王身遇重疾倍更瞋恚復聞不克口吐熱血即便命終阿育即登大位拜成護爲第一大臣領理國事修私摩等聞父母背立阿育爲王心生不忍即集諸兵來伐阿育二大力士與成護各鎮一門王頓東門立大火坑以物覆之無有烟燄作機閑木人王騎大木象逕行示弱修私摩率其銳卒規殺阿育見諸木人行步劣動督軍直前墮大火窯被燒而死二十八萬里皆臣屬之陸地龍及夜又悉皆降伏

阿育因募得栴陀羅使但有一龍所止之地廣三百餘里得佛舍利最初起塔在羅摩村有大功德獨不從化名耆利柯能行殺戮即立牢獄以治不從莊嚴獄門極令華麗見者愛樂入不得出時鷄寺比丘誦修多羅修多羅說地獄事耆利柯聞之隨造鍍湯鑪炭刀山劍樹等有海意比丘早起著衣持鉢入城乞食遇入地獄門耆利柯執之比丘泣而告之曰人身難得出家難遇我皆已得未得道法乞申一月答曰我受王命終不可得聽至七日比丘晝夜精勤并見王子共內人語有勑付獄耆利柯即鐵臼杵碎之比丘心增怖

舍四

三

畏第七日夜思惟得羅漢果明日耆利柯置比丘於鐵鑊中盛沸屎尿雜穢膿血以猛火煮之經時不壞比丘獨坐蓮華王聞與一切人民共往看之比丘即以神力身昇虛空現十八變王大歡喜曰汝身同人身汝力過人力應令我知之爲汝作神足答曰王稱佛語

廣作塔廟供養舍利爲法饒益佛滅諸陋慈悲無比最勝論師我爲弟子佛記轉輪王取我舍利起八万四千塔廣作諸佛事王先起地獄等殺害甚無數當除諸罪業施於無畏王即合掌向此比丘自說懺悔即自入地獄出之耆利柯言我先奉勑無所蠲除入不得出王曰汝欲殺我耶答曰如此王問初立此獄誰最先入答曰有利柯先入王語獄卒以耆利柯置作膠舍裏以火燒之然後毀地獄去也便於五部僧以千金銀瑠璃器盛以香水種種飲食香花等供養受八戒竟手執香爐而登高殿請四方僧說言世尊弟子在四方者爲攝受我故悉應來此而說偈言

有諸阿羅漢 當來攝受我 我請阿羅漢
當悉來此處

有三十萬比丘阿羅漢十萬學人二十萬凡夫無數於上座一處無有人坐王問耶舍言第一坐處何故無人答言佛說弟子中有能

師子吼者名賓頭盧是第一上座王聞毛豎如柯曇婆華又言有見佛來入涅槃今猶在者不答言即賓頭盧是也又問我於今者得見其人不答言其今應來時王聞已生大歡喜即說偈讚合掌仰看空中目不暫捨時賓頭盧與無數阿羅漢隨從圍遙從空中下坐第一座闔衆皆起見賓頭盧頭鬢皓白額皮眉毛悉合覆面如緣覺身五體投地禮賓頭盧舌舐其足啼泣說偈讚歎賓頭盧以兩手舉眉毛觀阿育曰我數見如來因歎佛德阿育復問何處見佛答曰佛與五百阿羅漢俱詣於王舍城安居我時在衆中又於舍衛國舍四

爲勝外道故現種種神力又於三十三天上安居爲母說法竟下復往於阿僧柯奢國又於修摩陀伽孤獨女請佛及五百阿羅漢佛以神力至分陀跋陀國我以神力舉山從虛空中亦至彼國時如來戒勑云汝不得涅槃至我法住阿育復問賓頭盧大德幾人隨從

說偈答曰

六方阿羅漢悉盡煩惱毒大王何忽疑

速施衆僧食

衆僧若食竟當更共語三答爾種種欲去皆以供養時王語比丘名一切支我當施僧十萬金及千銀瑠璃器於大衆中說我名供養

阿育王子名鳩那羅住父邊畏其父故不敢發言舉二指示唱導爾比丘表其修福倍其父相衆作大笑王見衆笑語大臣成護云汝所作非是故人笑成護答言多人欲作福必欲一倍阿育答言我當以三十萬金供養衆僧以三千叟盛以香水王又云大德我今作七寶庫藏一切大地宮人大臣并以我身及鳩那羅悉以施僧

出阿育王經第一卷

舍四

手撓下呼輸柯上詩朱友糗丘九反搜筭上所伎師迎反銳羊威反利也火葬下音薄燔殺戮下胡音

舐舌取食

蠲除玄衣

膠舍上音

覩於辨反皓白老上

刺身上鳥官反

搘甜下正反

紺古暗反

輻音

車摩下田恭也

撫摩撫摩也

欄楯下時尹反

纖臍上息廉反

堆阜上丁回反

也下音婦小山也

廿三末